



Indgået

11 JULI 2018

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
Box 1060 - 3900 Nuuk

Uunga  
Inatsisartunut ilaasortaq  
Múte B. Egede  
Inuit Ataqtigiit

**Erninerup kingorna sulinngiffeqarnermut aningaasaateqarfimmik pilersitsinissaq  
pillugu § 37 naapertorlugu apeqqutip 2018-135-ip akineqarnera**

05-07-2018  
Sags nr. 2017 - 2876  
Akt. id. 8239576

Apeqqutinnut qujanaq

**1. Naalakkersuisut erninerup kingorna sulinngiffeqarnermut  
aningaasaateqarfimmik pilersitsinissaq sulisitsisunik sulisartullu kattuffiinik  
suleqateqarluni pilersaarutigaa?**

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iniian@nanoq.gl  
www.naalakkersuisut.gl

Sulisoqarnermi illuatungeriit saaffiginnissuteqarsimanerat ilisimavara, tassani  
kissaatigineqarluni erninermut atatillugu aningaasaateqarfimmik pilersitsinissaq.

Sulisitsisut SIK-llu aasap kingorna ataatsimeeqateqatiginissaat pilersaarutigaa, tassani  
isumaginninnermi suliaasaqarfik eqqartorumallugu kiisalu taakku suut  
suliniuteqarfignarsutut isigineeraat tusarusullugu. Tassunga atatillugu  
erninermut atatillugu pissutsit qanoq pitsanngorsarneqarsinnaanersut  
eqqartorneqarumaarput.

Naalakkersuisooqatigiinnissamik isumaqatigiisummi takuneqarsinnaavoq ilaqutariinnut  
pissutsit pitsanngortinneqarnissaat Naalakkersuisut pimoorullugu pilersaarutigigaat,  
matumani erninermut atatillugu pissutsit ilanngullugit.

Taamaammat erninermut atatillugu suliaasaqarfimmi periarfissat unammilligassallu  
assigiinngitsut pillugit misissuinissaq Naalakkersuisunit soqutigineqarpoq.

Pisariaqartumik pitsanngortitsinissat aningaasaqarnerup periarfissiinera malillugu  
pilersinneqassammata naluneqanngitsutut pingaaruteqarpoq, taamatuttaaq  
pingaaruteqarpoq ataatsimut aningaasaqarnitsinnut aningaasaqarnermut  
akisussaassusermik takutitsinissaq.

Inussiarnersumik inuulluaqqusillunga  
Med venlig hilsen

Anthon Frederiksen